



醫方紀原

武
493
2



門
493
卷 2

問氏
杏庭

醫方紀原

醫方紀原卷中目錄

○諸氣 鬱附

- | | | |
|--------|---------|--------|
| 半夏厚朴湯 | 七氣湯 | 紫蘓子湯 |
| 蘓子降氣湯 | 蘓合圓 | 烏沉湯 |
| 俞山人降氣湯 | 沉香降氣湯 | 分氣紫蘓飲 |
| 勻氣散 | 分心氣飲 | 小鳥沉湯 |
| 木香流氣飲 | 二十四味流氣飲 | 四七湯 |
| 三和散 | 大七氣湯 | 百一四七湯 |
| 大七氣湯 | 大降氣湯 | 分心氣飲真方 |
| 四磨湯 | 木香枳櫛丸 | 一塊氣 |

醫方紀原卷中目錄

玉池堂

正氣天香湯 交感丹 降氣湯

越麴丸 六鬱湯 行氣香蕪散

神仙九氣湯 流氣飲十六味

○痰飲

茯苓味甘湯 腎氣丸 甘遂半夏湯

十棗湯 大青龍湯 小青龍湯

小半夏湯 小半夏加茯苓湯 五苓散

延年茯苓飲 千金小半夏湯 甘草湯

千金大半夏湯 倍術丸 二陳湯 四七湯

救急稀涎散 蕪子降氣湯 三子養親湯

導痰湯 黃連導痰湯 法製半夏 滾痰丸

豁痰湯 治痰茯苓丸 六君子湯

控涎丹 二賢散 潤下丸

小胃丹 節齊化痰丸 清氣化痰丸

治痰千縉湯 黃芩利膈丸 參蕪飲

○咳嗽喘急哮吼聲音

射干麻黃湯 葶藶大棗瀉肺湯

桔梗湯即甘桔湯 越婢加半夏湯 小青龍加石膏湯

紫蕪子湯 蕪沉九寶飲 杏子湯

萃蓋散 參蕪飲 三拗湯 五拗湯

四磨湯

瀉白散

加減瀉白散

寶鑑加減瀉白散

人參膏以生姜陳皮佐之

人參加麻黃

杏仁煎

人參平肺散

參蘓溫肺湯

五味子湯

觀音人參胡桃湯

定喘湯

人參平補湯

即回春
滋腎湯

寧肺湯

加味參蘓飲

○瘧疾

鼈甲煎丸

白虎加桂枝湯

蜀漆散

小柴胡湯

柴胡去半夏加枳莖湯

柴胡桂姜湯

人參養胃湯
半夏七味清脾湯

九味清脾湯

鼈甲飲子

芎歸鼈甲散

七寶飲

四獸飲

柴苓湯

生姜自然汁

羌活湯

麻黃羌活湯

白芷湯

桂枝芍藥湯

桂枝黃芩湯

桂枝石膏湯

麻黃桂枝湯

參姜湯

參朮姜湯

柴平湯

○痢疾

白頭翁湯

小承氣湯

桃花湯

通脈四逆湯

黃芩湯

白頭翁湯

駐車圓

胃苓散

加味參附湯

胃風湯

真人養藏湯

香連丸

戊己圓

黃芩芍藥湯

芍藥湯

白朮黃芪湯

防風芍藥湯

白朮芍藥湯

蒼朮芍藥湯

蒼朮防風湯

漿水散

導氣湯

六神丸

治赤白痢黃連吳茱丸

禁口利方石蓮肉末

參苓白朮散加石菖蒲

人參茯苓蓮子菖蒲方

姜茶治痢

敗毒加石蓮肉

參連湯

溫六丸

清六丸

倉廩湯

○泄瀉

理中湯

五苓散

赤石脂禹餘糧湯

桃花湯

平胃散

胃風湯

胃苓湯

參苓白朮散

錢氏白朮散

二神圓

五味子散

四神丸

三神丸

升陽除濕防風湯

升陽除濕湯

痛瀉方

四苓散

柴苓湯

連理湯

加味四柱散

斷下湯

○霍亂

當與中暑併看

理中湯

備急圓

五苓散

四逆加人參湯

乾姜附子湯

千金治中湯

四順湯

四逆湯

扁豆香薷方

轉筋挽陰挽乳法

回生散

附子理中湯

治中湯

藿香正氣散

二香散

加味姜附湯

通脈四逆湯

鹽湯吐法

○嘔吐反胃膈噎吃逆

茱萸湯

半夏瀉心湯

黃芩加半夏生姜湯

小半夏湯

四逆湯

小柴胡湯

大半夏湯

大黃甘草湯

茯苓澤瀉湯

半夏乾姜湯

生姜半夏湯

橘皮湯

橘皮竹茹湯

五膈寬中散

丁香煮散

藿香安胃湯

加減二陳湯

五噎散

五膈散

半夏生姜

丁香柳蒂甘草良姜半夏生姜

丁香柳蒂

丁香柳蒂散

二陳加梔連方

加味平胃散

○消渴

腎氣丸

五苓散

文蛤散

猪苓湯

李即中消渴八味腎氣丸

同後服方

加減八味丸

生脈散

易老門冬飲子

黃芪六一湯

加味錢氏白朮散

生津甘露湯

生津甘露飲

當歸潤燥湯

辛潤緩肌湯

人參石膏湯

順氣散即小承氣

茴香散

八味丸

白虎加人參湯

白朮散倍葛根

爾絲湯

火府丹

○水腫脹滿

防已茯苓湯

防已黃芪湯

越婢湯

越婢加朮湯

甘草麻黃湯

麻黃附子湯

十棗湯

五苓散

已椒薑黃湯

十水丸即十種水病方

五皮散

五皮加姜黃木瓜方

分心氣飲

同真方

同水腫六味加味方

木香流氣飲

二十四味順氣飲

實脾散

復元丹

當歸散

禹餘糧丸

茯苓分氣飲

即分氣紫蘇飲

濟生實脾散

踈鑿飲

赤小豆湯

加味腎氣圓

即加減金匱腎氣丸

三花神祐丸

芾歷木香散

導水丸

禹攻散

瀉川散

婦人血分丸即參丸

椒仁圓

葶歷圓

導滯通經湯

補中治濕湯

導水茯苓湯

雞屎醴散

四炒枳殼丸

廣茂潰堅湯

中滿分消湯

中滿分消丸

木香順氣湯

丹溪方二條

壯原湯

○黃疸 黃汗附

茵陳蒿湯 梔子大黃湯 茵陳五苓散

大黃消石湯 麻黃連軛赤豆湯

梔子檉皮湯 桂枝加芪湯 腎疸湯

茯苓滲濕湯 茯苓梔子茵陳湯

加味四君子湯 養榮湯 小溫中丸

大溫中丸

○五淋

括萎瞿麥丸 蒲灰散 滑石魚散

茯苓戎鹽湯 腎氣丸 猪苓湯

千金石葦散 五淋散 八正散

導赤散 清心蓮子飲 局方石葦散

火府丹 滋腎丸又名通關丸 清肺飲子

黃芩清肺飲 茯苓琥珀湯 木香湯

葉氏血淋方 生附散

○積聚

七氣湯 紅圓子 肥氣圓伏梁圓

痞氣圓息貫湯 奔豚湯 散聚湯 大七氣湯

指迷七氣湯 廣茂潰堅湯 保和丸

枳朮丸 木香檉柳丸 勝紅丸

○發熱

瀉白散

地骨皮散

瀉心湯

瀉赤散

瀉黃散

瀉青丸

地黃丸

黃連解毒湯

人參養榮湯

參蘓飲

涼膈散

升陽散火湯火鬱湯附

當歸補血湯

四物二連湯

柴胡飲子

柴陳湯

茯苓補心湯

人參柴胡散

柴胡四物湯

即柴物湯

○癰疹

化斑湯

玄參升麻湯

陽毒升麻湯

葛根橘皮湯

升麻葛根湯

消毒犀角飲

涼膈散

消風散

防風通聖散

消毒加犀角飲

解毒防風湯

○虛損虛勞勞瘵痼冷

桂枝加竜骨牡蠣湯

天雄散

小建中湯

黃耆建中湯

薯蕷丸

酸棗湯

大黃虜虫丸

炙甘草湯一名復脉湯

八味腎氣丸

千金小建中湯

千金建中湯

前胡建中湯

千金黃耆建中湯

樂令建中湯

腎瀝湯

無比薯蕷圓

大薯蕷圓 千金腎氣圓 千金八味腎氣圓

大補湯去白朮加地骨方 小品黃芪湯

深師黃芪湯 大建中湯 深師黃芪建中湯

小品黃芪湯 必效黃芪建中湯 深師黃耆湯

古今錄驗黃耆湯 又方 古今錄驗芍藥湯

逍遙散 四物湯 黃芪六一湯

十四味建中湯 雙和湯 四君子湯

人參養榮湯 妙香散 安神散

鹿茸四斤圓 三建湯 小兒絲子圓

黃耆鼈甲散 秦艽鼈甲散 沉香鼈甲散

伏火二氣丹 靈砂 二氣丹

金液丹 橘皮煎圓 附子理中圓

震靈丹 來復丹 養生丹

黑錫丹 金鎖正元丹 十全大補湯

天地丸 三才丸 三才封髓丹

人參固本丸 瓊玉膏 勞瘵大補湯加減三條

黃耆建中湯 百一選方 勞疾鰻鯉魚食之

斑龍丸 人參散 獺肝散

獺爪屑 茯苓補心湯 八珍湯八物湯

膏肓三里涌泉 灸骨蒸法 即四花患門

腰眼灸療疾

二十一種勞灸法

仲景百勞丸

麥煎散

却勞散

良方獺肝丸

地骨皮散即地骨皮枳殼散

秦艽鼈甲散

秦艽扶羸湯

地黃丸

加減八味丸

都氣丸

七寶養髯散

巨勝子丸

還少丹

打老兒丸

左歸丸右歸丸

左歸圓右歸圓

參朮膏

獨參湯

參附湯

耆附湯

歸脾湯

十補丸

沉附湯

參附湯

茸附湯

桂附湯

補中益氣湯

調中益氣湯

參朮調中湯

當歸補血湯

黃耆當歸湯

人參膏

大補丸

龍虎丸

補腎丸

補天丸

虎潛丸

補虛丸

補陰丸

大補丸

濟陰丸

蓮心散

十灰散

花蕊石散

獨參湯

保和湯

保真湯

大平丸

消化湯

潤肺膏

白鳳膏

十珍丸

補陰丸

補氣湯

補血湯

補陰瀉火湯

滋陰降火湯

加味虎潛丸	滋陰大補丸	加味四物湯
補中丸	加味歸脾湯	加味逍遙散
柴芍參苓飲	加味小柴胡湯	香砂六君子湯
補陰八珍湯	固真飲子	龜膠
神仙延壽丹		

醫方紀原卷中目錄終

醫方紀原卷中



健齊甲賀通元輯

○諸氣 鬱附

○半夏厚朴湯

仲景金匱要略

治婦人咽中如有炙臠

按半夏茯苓紫蘇厚朴之四味即後世所稱四七湯也其因方曰大七氣湯乃此半夏厚朴湯而易簡司方稱四七湯者亦此半夏厚朴湯也後人以此方曰五因四七湯誤也司方係續漆方而引易簡方則易名四七湯者易簡其始歟凡後世梅核氣加味四七湯之類自此方而變化之耳又按四七七氣大七氣之三名古來似通稱

○七氣湯

千金方積氣

半夏人參桂心甘草生姜

昌甘同

○紫蘇子湯

千金方

按即蘇子降氣湯也千金入脚氣門

○**蕪子降氣湯**

同方寶慶新增方 即千金紫蕪子湯 易簡方降氣湯即此方

○**蕪合香圓**

同方

○**烏沉湯**

同方

○**俞山人降氣湯**

同方紹興續添方

按百一選方有俞山人真方降氣湯即同方蕪子降氣湯而非此俞山人降氣湯也方後云昔京師俞山人專賣此藥有名四方然人多不得真方故服之無功唯此八味者最真其他加人參附子五加皮大腹皮蘿蔔子者偽方也此方本出千金名紫蕪子湯又按易簡方降氣湯即蕪子降氣湯曰此乃真俞山人降氣湯後加參附五加大腹之類却非其真云云據此百一易簡之說則俞山人真方乃千金方紫蕪子湯同方蕪子降氣湯而同方俞山人降氣湯係偽方

○**分氣紫蕪飲**

紹興續添方 又出直指方

○**勻氣散**

同方 本方詩氣門 不香勻氣散同

○**沉香降氣湯**

紹興續添方

○**分心氣飲**

同方諸氣門

有二方

寶慶新增方木香丁香皮人參香附白朮大腹子藿香腹皮桑皮草菓桔梗麥門厚朴陳皮紫蕪甘草姜棗灯心
○續添諸局經驗方不通赤芍肉桂赤茯苓桑皮腹皮半夏陳皮青皮甘草羌活紫蕪姜棗灯心按此十二味方即今現用之方
○仁齋直指諸氣分心氣飲真方按續添諸局十二味方加枳殼木香枳棟莪朮麥門桔梗香附藿香去羌活芍藥方後云里人瘴癘經年虛腫腹脹食不知飽以此藥吞溫白圓初則小便數次後則大便通其病頓愈又按龔氏書方後所載一方即此真方而只欠麥門
○得効方分心氣飲方後云又名小流氣飲

○**小烏沉湯**

紹興續添方

○**木香流氣飲**

續添諸局經驗方

○**二十四味流氣飲**

續添諸局經驗方

出集驗方

○**四七湯**

按詳前半夏厚朴湯之下又易簡方四七湯與同方同日婦人惡阻尤宜服之間以紅圓子尤效

三和散

已上出和劑局方

○大七氣湯 三因方 七氣門

按即金匱半夏厚朴湯局方四七湯也非積聚門大七氣
三因霍亂門七氣湯此方加桂心白芍橘皮人參

○四七湯 百一選方又名天七氣湯

按局方四七湯無紫菀有人參是又一方歟

○天七氣湯 濟生方

按此天七氣湯即積聚門所出之方後世所用大七氣湯
指迷七氣湯直指方諸氣 按與濟生天七氣湯同只無三

稜方後云加半夏蓋指迷其權輿而嚴氏再加三稜乎

○大降氣湯 易簡方降氣湯方下云一方以八味降氣湯加

川芎細辛桔梗茯苓名天降氣湯治法亦同易簡八味降

氣乃蕪子降氣湯

○分心氣飲真方 仁濟直指

詳考見前

○四磨湯 濟生方

詳考後喘急門

○木香檳榔丸

儒門事親

○一塊氣 王海藏醫家大法附錄方

按回春諸氣神仙一塊氣同詳考醫家大法附錄方後人
嘉靖中所附益而非海藏歟然以先於回春姑引之

○正氣天香湯 醫學綱目證治準繩引河澗王機微義醫學入門引紺珠

按此方雖引河澗然宜明直格等書未見此方俟他日考

○交感丹 百一選方

本草香附子附方引薩謙齋瑞竹堂經驗方云俞通
奉年五十一遇鐵雞城申先生授之

○降氣湯 同上

按交感丹即香附子茯苓神二味為末煉蜜丸

以降氣湯鬻下一粒降氣湯香附子茯苓甘草為末熟湯
點下交感丹再詳交感丹主治稱揚甚過百一選方方下

云此藥太峻恐走氣更看人稟賦如何此言本草交感丹方後所未言尤足為準則故併記

○越翅丸

丹溪方一名芎朮丸
平治會萃金匱鉤玄丹溪心法

○六鬱湯

醫學正傳

按此方丹溪心法丹溪纂要等書未見載之疑天民摘丹溪諸鬱之品味而立一方乎

○行氣香薷散

古今醫鑑云三山陳氏方

○神仙九氣湯

得效方諸氣

按此方香附子四兩姜黃二兩甘草一兩為末入鹽點空心服龔氏回春心痛門九氣湯即此方而只以姜黃代鬱金蓋雲林據得效方耳百一不老湯方後云皇祐至和間劉仲遠先生口授此方仲遠是時已百餘歲當云凌晨盥櫛訖未得議飲食且先服此湯可保一日無事且且如此

則終身無病矣再按百一不老湯名因此仲遠之事又得效九氣湯名以治九氣也得效九氣乃膈氣風氣寒氣熱氣憂氣喜氣驚氣怒氣山嵐瘴氣也又云治積聚堅牢如益心腹刺痛不能飲食時去時來發則欲飲宜與回春參看
○流氣飲 陳氏婦人良方臂痛
按十六味流氣飲也詳見瘡瘍

○痰飲

按諸方書曰稠濁者為痰清稀者為飲再詳金匱學四飲曰痰飲懸飲溢飲支飲也據之則飲乃摠名痰飲亦飲中之一種耳稠稀之說難以憑據然痰之字从疒从炎因大稠濁之說理或有也又按仁齊直指曰痰者津液之異名人之所恃以潤養肢體者也又云水之與飲同出而異名也仁齊此說甚好矣夫脾土平和則水穀生津液以養肢體若愆和則水穀成痰以生百病皆飲食所化故曰飲蓋金匱

一本痰作淡予謂外水外火是古字歟

○**茯苓味甘湯** 金匱

○**腎氣丸**

○**甘遂半夏湯**

○**十棗湯**

○**大青龍湯**

○**小青龍湯**

○**小半夏湯**

○**小半夏加茯苓湯**

○**五苓散**

已上出金匱要略

○**延年茯苓飲**

外臺秘要痰飲

按此方茯苓令人參白朮枳實橘皮生姜也宜與內傷門六君子湯條下互考

○**小半夏湯** 千金方

按此仲景小半夏湯有橘皮

○**甘草湯** 千金方

按仲景茯苓味甘湯

○**天半夏湯** 千金方

按此方白朮茯苓半夏人參肉桂附

子甘草生薑仲景天半夏湯乃半夏人參白蜜

○**倍米丸** 外臺痰飲

白朮桂心乾姜 同方同

○**二陳湯** 王碩易簡方

同方紹興續添方痰飲

按此方出自仲景小半夏茯苓湯及千金小半夏湯

○**四七湯** 易簡方

同方續添諸局經驗方

按此方仲景半夏厚朴湯也當以金匱為原易名四七湯者易簡方其始歟同方一本亦云出易簡方詳前氣門半

夏原朴湯條下

○**救急稀涎散**

本事方詳中風門

○**菴子降氣湯**

詳氣門

○**三子養親湯**

韓景醫通

本草白芥子條下引韓氏

按此方又出醫家大法附錄蓋醫家大法附錄後人所附益難為據

○**道痰湯**

嚴用和濟生方痰飲

按此方二陳湯加南星枳實之方諸方書引濟生則出嚴氏之製乎又按百一選方痰飲載導痰湯其方二陳湯加桂心乾生姜枳殼之方未審嚴氏據此百一導痰湯歟

○黃連道痰湯 醫學綱目痰飲 二陳湯加黃連枳實是也

○法製半夏 袖珍方引御藥院方即半夏一味以白礬製

○滾痰丸 醫學綱目引洞虛 五機微義引王隱君

按滾痰丸相傳為王隱君製而出於養生主論醫學綱目引洞虛子即是王隱君別號也袖珍方引聖惠方誠為可疑予未獲養生主論全書聖惠方亦未一瞥嗟夫家乏五車常懷憾焉綱目所引痰論似養生主論全文曰乃得神秘沉香丸方屢獲大效愈人數萬但不欲輕傳匪人故以隱語括之云云由是觀之則神秘沉香丸是古名而滾痰丸後人所名歟證治準繩出滾痰丸引養生主論其論與

綱目所引全同如其隱語諸書錄之于茲略之準繩方有百藥煎曰乃得之方外秘傳蓋此丸得此藥乃能收斂周身頑涎聚于一處然後利下甚有奇功且倍若沉者言五倍于與沉香非確倍于沉之謂也又袖珍方下一方加硃砂

○豁痰湯 袖珍方云秘方 古今醫統引王隱君

按小紫胡加羌活厚朴人參陳皮枳實南星紫蘇

○治痰茯苓丸 百一選方引指迷方

按治痰飲臂痛之丸諸書收入

○六君子湯 詳考見前脾胃門 控涎丹 二因方

○二賢散 百一選方引泊宅編 張景岳說引泊宅編

回春滌痰散即二賢散

按百一選方曰泊宅編治痰以橘皮為主須用真洞處陳者其方去白取紅一斤甘草鹽各四兩水五碗慢火煮焙

乾薑為細末點服又古方以橘紅四兩炙甘草一兩為末湯點名曰二賢散以治痰極有驗外舅莫強中脈之腹痛下利物數塊如鐵彈子臭不可聞舊苦食後胸滿之疾豁然頓愈

○潤下丸 丹溪心法

平治會萃潤下丸即前二賢散蒸餅丸按丹溪心法潤下丸有二方一方即以前二賢散為丸一方二賢散加南星半夏黃芩黃連本草稿發明亦曰丹溪變之為潤下丸

○小胃丹 丹溪心法

○節齊化痰丸 明醫雜著

○化痰丸

醫林集要 內科摘要法製清氣化痰丸同

○方古菴清氣化痰丸 丹溪心法附餘 醫學入門所載即是

按諸化痰頗多今舉清氣化痰一方醫林集要所載未審原書近代龔氏回春清氣化痰丸與此二方異出于雲林

製歟

○治痰干縉湯

保命集 半夏皂角生姜

○黃芩利膈丸

蘭室秘藏

○參蘓飲考

王碩易簡方

局方淳祐新添方

○木香乾葛紫蘓葉半夏前胡人參茯苓枳殼桔梗甘草陳皮姜棗局方傷寒門

○易簡方無木香方後云氣盛或氣虛人痰氣上壅咽喉不利哮喘有聲氣息短急上盛下虛宜加木香其效尤驗此藥治虛勞發熱其效尤著

○且因方痰飲門參蘓飲此局方只無葛根方後云噦者加乾葛

按三方皆同只局方有木香易簡無木香如治症易簡局方大同二因無葛根有木香局方係淳祐新添局方方後引易簡元戎玉機等引易簡始以易簡為原如并因無葛根是亦一方歟且因茯苓補心湯以此參蘓合四物歟詳見補心湯條下

○咳嗽喘急哮喘聲音

按儒門事親日嗽與咳證也
咳即嗽也嗽即咳也此說為得

○射干麻黃湯 金匱要略

○葶藶大棗瀉肺湯 金匱

○桔梗湯 金匱 按即甘桔湯

○越婢加半夏湯 同

○小青龍加石膏湯 同

已上金匱要略

○紫菀子湯 千金方 按即今用 蕪子降氣湯詳見氣門

○蕪沉九寶飲 易簡方 降氣湯方后出九寶湯即此方

○杏子湯 易簡方

○葶藶散 局方

○參菴飲 易簡方

局方淳祐新添方詳考見痰飲門

○三拗湯 局方續添諸局經驗方 又出百選方

○五拗湯 神珍方引濟察方

按即三拗湯加桔梗荆芥奇效良方五拗湯亦同方後云
咽喉痛者煎熟後加朴硝少許一方去荆芥桔梗用枳實
半夏

○四磨湯 濟生方喘門

人參檳榔沉香烏藥石各濃磨云云

按醫林集要胸膈痛方無人參有木香蓋此方本出於
局方烏沉湯又得效方六磨湯於此四磨而增損者也吳
昆治氣厥醫林四磨湯加枳殼名五磨湯當與胸膈痛門互考

○瀉白散 錢仲陽方

○加減瀉白散 東垣醫學發明

○寶鑑加減瀉白散 羅謙甫衛生寶鑑

按寶鑑有二方一方肺熱喉腥方一方喘治驗大同小異
夫錢仲陽先生製地骨皮桑白皮甘草硬米之瀉白散而
後東垣謙甫師弟各由此方加減立方又東垣入參平肺
散參朮調中湯之類凡地骨皮桑白皮併用者皆出自錢

氏馮白散

○人參膏以生姜陳皮佐之

平治會萃金匱鈎玄咳嗽門云咳嗽肺虛甚者此好色腎虛有之

○人參四錢麻黃連節一錢半丹溪纂要咳嗽門云此丹溪神方

○杏仁煎圓 神珍方引瑞竹堂方 按回春所載方同

○人參平肺散 醫學發明 ○參蕪溫肺湯 醫學發明

○五味子湯 活人書詳傷寒門 ○觀音人參胡桃湯 百選方引東醫心志醫說同

○定喘湯 出本草銀杏附方 引攝生方 按回春哮喘定喘湯同

○人參平補湯 直指方聲音

按回春治失音滋腎湯即此方下論亦與直指同

○寧肺湯 丹溪心法附餘引楊氏家藏方

按此方八物湯加五味麥門桑白阿膠又有劫勞散八物湯去川芎白朮加五味半夏阿膠黃耆詳虛勞門

○加味參蘓飲 婦人良方薛氏補註咳嗽

按此方本方加黃芩山梔蓋是薛氏加味世少知故錄

○瘧疾 按證治要訣云諸病皆有寒熱寒熱發作有期者瘧也無期者諸病也此說尤的矣

○鼈甲煎丸 金匱要略 ○白虎加桂枝湯 金匱

○蜀漆散 金匱 ○小柴胡湯 傷寒論

○柴胡去半夏加括婁湯柴胡桂姜湯 二方金匱附方引外臺秘要

○人參養胃湯 易簡方 司方淳祐新添方

按易簡方出養胃湯品味與局方同詳考司方係淳祐新添方則當以易簡為原歟又按日因方治胃虛寒養胃湯

即此方而蒼朮代白朮有附子是易簡局方方後所載一方也蓋人參養胃之名局方其始歟又回春之方有當歸

川芎是非古方出于龔氏所加乎

○清脾湯 五因方

按即今所稱七味清脾湯也得效方号不清脾湯

○清脾湯 濟生方 按即今所稱九味清脾湯也七味九味之

名出於後人歟又得效方痰瘧載此方云加人參亦可

○鼈甲飲子 齊世方 治瘧母 鼈甲白木 黃芪 草菓 枳 柳

川芎 橘 紅 芍 藥 厚 朴 甘 草 生 姜 大 棗 烏 梅

○芎歸鼈甲散 得效方 治勞瘧 當歸 川芎 茯苓 青皮 陳

皮 半 夏 鼈 甲 芍 藥 姜 棗 烏 梅 八 門 方 同

○七寶飲 易簡方 四獸飲方後出 七寶湯

按葉氏 治瘧母 參 歸 鼈 甲 飲 以 右 二 方 增 損 加 減

○四獸飲 易簡方 五因方 按醫壘元戎作易簡四獸飲

按同春常山 七寶飲 以此方加知母 蒼朮 鼈甲 去 陳 皮

○柴苓湯 得效方 云小柴胡湯與五苓散合和治傷風傷暑

瘧大効每服姜三片麥門冬二十粒地骨皮少許煎服

按後世方書載此方多欠方後加味故記之

○生姜四兩連皮搗爛止用自然汁明日當發隔夜安排
將紗片遮蓋露一宿五更初攪動澄者一上吞喫或有
痰吐之微利亦安 得效方

按薛新甫治瘧疾用一味姜汁為良法蓋有本據凡露製
之法可飲之又按先醒齋醫方筆記云瘧者暑氣為病也
暑得露即解世鮮知者予謂露製之說偶見於此書故併
及

○羌活湯 活法機要 五機作桂枝羌活湯

○麻黃羌活湯 ○白芷湯 ○桂枝芍藥湯

○桂枝黃芩湯 ○桂枝石膏湯 ○麻黃桂枝湯

已上活法機要一名保命集

按出張元素先生瘧疾分六經之方，再機微義亦載之薛氏書錄之

○人參生薑各一兩煎服不問新久並効 薛新甫治驗

○人參白朮各一兩生薑四兩煨熟煎服 薛新甫治驗

按右出於薛立齋明醫雜著補註及內科摘要虛人截瘧之良法也近世張介賓用當歸白朮用熟地生薑皆倣此薛氏治驗予先人亦用不姜湯往往取効

○柴平湯 醫方考瘧門 小柴胡湯平胃散合方

○痢疾

按方書曰滯下者古之義曰下痢者今之名或云自仲景而後謂滯下予竊疑此說未瑩仲景金匱明曰下利便膿血熱利下重似指今利疾病源痢病千金熱痢冷痢皆今痢疾也升金痢方中雖偶有滯下之名未足以爲證焉又以素問腸僻爲痢疾雖無確據而觀曰腸僻下膿血下白

沫則或似矣以難經大瘕泄爲痢疾者當矣

○白頭翁湯 ○小養氣湯 ○桃花湯

○通脈四逆湯 已上金匱要略下利此餘猶有茲不再錄

○黃芩湯 傷寒論黃芩芍藥甘草大棗 按與機要黃芩芍藥湯條互看

○白頭翁湯 千金方下利 按與仲景方不同

○駐車圓 千金方 按與局方小駐車圓同

○胃苓散 陳氏婦人良方云陳日華方 按平胃五苓之合方後人爲湯以爲瀉痢主方回春方有芍藥龔氏加之歟

○加味參附湯 陳氏婦人良方滯下 按本方加香木宜考參附條下

○胃風湯 易簡方 局方 醫壘元技作易簡胃風湯

○純陽真人養藏湯 局方紹興續添方 按得効方治休息

痢加味養藏湯本方加附子青皮烏藥茯苓

○香連丸

本草綱目黃連用方引李絳兵部手集又引易簡方

○李絳兵部手集

本草黃連附方

治痢香連丸治赤白諸痢裏急後

重腹痛用宜黃連青木香等分搗篩白蜜丸梧子大每服

二三十丸空腹飲下久冷者以煨蒜搗和丸之

○局方天香連丸黃連去蘆鬚二十兩用菜莢十兩同炒令

赤去菜莢不用木香不見火四兩八錢八分右為細末醋

糊為圓云云

局方吳直閣增諸家名方

○本草引易簡方黃連菜莢炒過四兩木香麩煨一兩粟米

飯丸。百一選方治赤白痢一丸見後

○錢仲陽香連丸

小兒方訣

治小兒冷熱痢加煨熟訶子肉

○儒門事親香連丸木香訶子黃連各半兩龍骨一錢飯丸

○袖珍方香連丸秘方黃連五兩剉粉草二兩半碎木香一

兩不見火右先將草連用蜜水略拌濕安在銚中重湯薰

之良久取出晒焙乾再依上法薰之再晒得九薰九爆九

炒再晒十分乾與木香一處為末糊圓如梧桐子大云云

○薛立齋常用方黃連二十兩吳茱萸十兩右先將二味用

熱水拌和入磁器內置熟湯中頓一日同炒至黃連紫黃

色去茱萸用連為末每末四兩入木香末一兩淡醋米飲為

丸云云

家醫錄內科摘要 按日用之方即此脩製

○戊己圓

日因丹

局方吳直閣增諸家方黃連吳茱萸芍藥糊丸

○黃芩芍藥湯

張元素病機氣宜保命集一名括法機要

醫方集解云仲景黃芩湯單治下利機要言之治熱痢腹

痛更名黃芩芍藥湯又加行血調氣之藥名芍藥湯仲景

黃芩湯遂為萬世治痢之祖矣

○芍藥湯

芍藥當歸黃連黃芩檳榔木香甘草大黃官桂水煎

按此方出於保命集乃張易水之製也。龔氏回春痢門芍藥湯非此芍藥湯蓋龔氏方自王節齋痢主方而變化來也。本邦先輩稱正傳芍藥湯即此保命集方也。然為出於正傳者誤矣。保命集方下云經日瘦而便膿血氣行而血止行血則便自愈調氣則後重除後人多引此語為痢疾法言雖云經日今見內經未見此語又以此言為劉河間者亦非。○又按保命歌括云先瀉後痢裏急後重者胃氣下陷也腸胃敗而水穀絕故死先痢後瀉者濕熱之氣除也腸胃和而水穀通故易愈也。孫一奎亦曰先瀉而後膿血此脾先虛而積滯繼至先膿血而水瀉此積滯既去而已無邪故易愈。予嘗疑先水瀉後膿血者是脾傳腎難愈先膿血後水瀉者是腎傳脾易愈之說今見此說甚愜鄙意矣。

○白朮黃耆湯 ○防風芍藥湯 ○白朮芍藥湯 ○蒼朮芍藥湯 ○蒼朮防風湯 ○漿水散 ○導氣湯 已上保命集

○六神丸

陳氏婦人良方云此藥得之東山堯殿講按醫學入門痢門六神丸即此方

○治赤白痢

百一選方 按宜與香連丸條下參看

黃連吳茱萸一處酒浸取出各自棟煨為末糊丸赤痢黃連丸甘草湯下白痢茱萸丸乾姜湯下赤白痢各用甘草乾姜湯下

○禁口痢方

百一選方孟公實即中傳云甚妙

石蓮肉為末陳米飲下

○參苓白朮散加石菖蒲末以粳米飲乘熱調下

直指方 禁口痢

○人參茯苓石蓮子肉入些菖蒲與之胸次一開自然思

食 直指方 禁口利

○姜茶治痢法不問赤白冷熱通用之老生姜切如豆許

與茶葉等分用新水煎服東坡醫文路公作效直指方

○敗毒散加石蓮肉治下利熱毒不進飲食神珍引醫方集成

○噤口痢黃連多加人參煮湯終日呷之丹溪方按此方出平治會集金匱鈎玄丹溪心法等本無方名後

八号參連湯

○温六丸 清六丸 丹溪心法

○倉廩湯考 直指方 五機微義引瀉察方 神珍方引仁存方出倉廩湯名

○仁齊直指瀉痢門下痢壯熱須用敗毒散加陳米

○同書脫肛門敗毒散小兒痢後風邪入大腸脫肛不收以此散風邪加陳米煎

○倉廩湯 神珍方引仁存方治下痢赤白或因先是寒邪中藏府致發熱者敗毒散入陳米姜棗煎 按醫林加黃連 龔氏方有黃連

○敗毒散入陳倉米姜棗煎服 神珍方引瀉察方治痢疾不

納飲食者此乃毒氣上衝心肺所以嘔而不食得効方同

按直指仁存治因風寒外邪致痢疾發熱之方如瀉察方

專為噤口痢之主方瀉察之論詳而且盡矣今不記全文

互考神珍再按仁存方雖不知何代之書倉廩之名出於

仁存方而敗毒加陳米之製直指其權輿歟

○泄瀉 按孫一奎曰糞出少而勢緩者為泄漏泄之謂也糞大出而勢直下不阻者為瀉傾瀉之謂也

○理中湯 金匱要略 ○五苓散 傷寒論 ○桃花湯 同

○赤石脂禹餘糧湯 傷寒論 ○胃風湯 同方 易簡方 示我作易簡胃風湯

○平胃散 同方 易簡方 詳內傷門 ○胃苓湯 婦人良方 泄瀉作胃苓散陳日華方 神珍引聖惠方

○參苓白朮散 同方 紹興續漆方又易簡方瀉下湯方後載此方

○錢氏白朮散 小兒直訣 又玉梳出易簡白朮湯即此方無薑棗者有薑棗

○二神圓 本事方 破故紙肉豆蔻為末姜棗煮爛為丸之方 詳見內傷門茲不再錄

○五味子散 本事方 治腎泄 袖珍引端竹堂方

按此方五味子二兩吳茱萸半兩同炒細末陳米飲下云云予家常為丸用又宜與四神丸條下互看

○四神丸 袖珍方引滑寮方

按此丸二神丸加木香茴香又袖珍方後云一方去木香茴香加神麩麥蘖再詳薛立齋常用四神丸即二神丸加五味子吳茱萸之方載在醫錄專為脾腎泄主方此製未審出於何書疑薛氏倣滑寮四神丸而本事方二神丸五味子散合和名四神丸歟然則四神丸有三方

○三神丸 三神丸或以為許叔微方無明據應是後人之製按本草綱目破故紙附方二神丸方下云加木香名三神

丸又醫林集要脾腎泄棗肉丸即三神丸準繩名二神加木香丸得效方二神圓方後云弱甚加茯苓木香

○升陽除濕防風湯

脾胃論治大便閉塞或裏急後重數至圍不能便或少有白膿或少有血之方按蒼朮防風白朮茯苓白芍藥

○升陽除濕湯

脾胃論蘭室秘藏瀉痢自下而上者引而左按此方蒼朮柴胡羌活防風升麻神麩澤瀉猪苓甘草陳皮麥芽也脾胃論方有益智半夏秘藏方后日胃寒腸鳴加益智半夏

○劉草窓治痛瀉要方 丹溪纂要 白朮白芍陳皮防風

○四苓散得效方消渴有去桂五苓散

又按丹溪心法附錄泄瀉云五苓散去肉桂名四苓散

○柴苓湯得效方詳見瘧疾

○連理湯 證治要訣 瀉泄 理中湯加茯苓黃連之方

按要訣瀉泄云當暑月若的知暑瀉自合用暑藥的知冷瀉自合熱藥中間有一等盛暑又復內傷生冷非連理湯不可又云余曾治傷寒協熱自利有用白姜黃連對半名金銀湯即此意也然不若連理湯為穩予從此說多取効

○加味四柱散 易簡方 四君子湯方下云一方去甘草加

木香熟附名加味四柱散姜棗煎服局方紹興續漆方出四柱散比于易簡方無白朮入鹽少許云云

○瀉下湯 易簡方 白朮茯苓草果甘州粟穀烏梅姜

○霍亂

按靈樞云乱于腸胃則為霍乱傷寒論云嘔吐而利者為霍乱詳考成氏明理論云若止嘔吐而利經謂之吐利上吐下利躁擾煩乱謂之霍乱其與但稱吐利者有以異也予謂此說的確可從蓋暴且夕者為霍乱

經數日夕者為吐利耳但以揮霍撩乱而解者恐初學不通

○理中湯 傷寒論 霍亂 理中丸 下載湯法 ○備急圓金匱

○五苓散 傷寒論

○四逆加人參湯 傷寒論

○乾姜附子湯 傷寒論

○治中湯 千金方 霍亂 即仲景理中湯

○四順湯 千金方 霍亂 附子 人參 乾姜 甘草 又出肘后方當為原

○四逆湯 千金 霍亂 生姜當歸芍藥細辛桂心大棗通草甘草吳茱萸以水酒合煮舊方用棗今以霍亂病多痞故除之如退棗入葛根惡寒乃與大附子

○治霍亂 千金方 扁豆香薷各一升以水六升煮取二升服

○轉筋不已者 男子以手挽其陰 女子挽其乳 千金 霍亂

○回生散 百一選方 陳皮藿香二味水煎治霍亂吐瀉但一點胃氣存者服之無不回生

○附子理中湯 司方

詳考見中寒門

○治中湯 活人書

司方寶慶新增方

按此方理中湯加陳皮青皮當以活人為原又按易簡方理中湯方後云霍亂吐瀉者加橘紅不必更用青皮名治中湯據此易簡之說則理中加陳皮亦名治中湯

○藿香正氣散

司方續添諸局經驗方又附于易簡方養胃湯方後

薛立齋家居醫錄內科補要附方藿香正氣散桔梗大腹皮紫蘇茯苓厚朴各一錢藿香一錢五分甘草五分姜棗水煎熱服

按此內科方比古方無白朮陳皮白芷半夏詳考十六種名醫雜著附方女科撮要附方等皆古製十一味之方也然則內科附方傳寫誤脫也明矣往年有僧楚活者素士人而致仕為僧學醫於土州道壽曾與予先人善專好薛

氏十六種今本邦所刊行十六種乃楚活師訓點也楚活常用此內科正氣散為薛氏重訂方予先人斷然以為脫漏今審考先人之說誠是也

張氏醫通傷寒緒論藿香正氣散方下曰此本不換金正氣散而立方中腹皮乃傳寫之誤當遵古方用蒼朮為是

○二香散 神珍方引醫方集成

按藿香正氣黃連香薷合方

○加味姜附湯 得效方霍亂

按姜附湯加人參甘草之方

○通脉四逆湯 濟生方霍亂

按此方與仲景方不同即千金方霍亂四逆湯而只有附

子千金之方見前

○塩湯吐法 神方

○嘔吐 反胃膈噎吃逆

○茱萸湯 金匱

吳茱萸人參生姜大棗

○半夏瀉心湯

○黃芩加半夏生姜湯

○小半夏湯

○四逆湯

○小柴胡湯

○大半夏湯

半夏人參白蜜按李士材治膈噎用此湯見必讀

○大黃甘草湯

茯苓澤瀉湯

半夏乾姜散

即二味

○生姜半夏湯

半夏姜汁

○橘皮湯

乾嘔噦 橘皮生姜

○橘皮竹茹湯

噦逆 橘皮竹茹人參甘草生姜木棗

已上出金匱要略嘔吐噦

○五膈寬中散

局方

○丁香煮散

局方 吳直閣增諸家方

○藿香安胃湯

醫學發明嘔 藿香丁香人參橘皮生姜脾胃論同

○加減二陳湯

醫學發明嘔 即本方加丁香之方丹溪心法方加丁香砂仁

○五噎散

二因方

按濟生方有五噎散方與二因不同入門五噎湯即二因之方

○五膈散

二因方

按濟生方五膈散方與二因不同入門五膈湯即濟生方之方

○治傷寒咳逆噎汗尋常亦可服丁香柳蒂各一錢甘草

良姜各半錢為末用熱湯猛點乘熱一服效 中藏經

按二因方丁香散即此中藏之方

○傷寒之後有吃逆者此證最危當用半夏一兩生姜兩

半白水煎服其他病亦惡吃逆當用丁香十粒柳蒂十

五枚乘熱頓服 易簡方溫膽湯方後

○柳蒂散

濟生方

婦人良方丁香柳蒂散同以易簡方為原

按丁香柳蒂二味

○丁香柳蒂散

衛生寶鑑

按丁香柳蒂青皮陳皮據已上

諸方則吃逆用丁柳其來尚矣

○二陳湯加炒梔子黃連生姜 平治合華嘔吐胃中有熱
膈上有痰此方主之
按此法出丹溪先生後代治嘔吐反胃是等之方頗多本
於此法

○加味平胃散 丹溪心法吞酸 平胃散加神麩麥芽

○消渴

○腎氣丸 金匱要略消渴詳考見後虛損門

○五苓散 ○文蛤散 ○猪苓湯 已上金匱要略消渴

○近効祠部李即中消渴方八味腎氣丸 外臺秘要消渴
神方消渴人宜常服之

乾地黄八兩薯蕷四兩茯苓三兩山茱萸五兩澤瀉

○八 四兩牡丹皮三兩附子三兩炮桂心三兩

右藥檇篩蜜丸云云

先服八味腎氣丸訖後服此藥壓之方

黃連三分 苦參粉一分 乾地黄一分 知母七分 牡蠣分

麥門冬 十二分
去心 栝樓七分方無餘同

右七味檇篩牛乳和為丸云云

按神方即仲景八味腎氣丸也外臺引近効方李即中消
渴論詳審明辨最可觀焉茲不復錄本事方亦引此論品
味分兩同但無後服之方蓋消渴飲一斗小便一斗用腎
氣丸張長沙之聖法布在金匱李即中又著論贊揚其効
分兩與金匱不同故錄之又當與虛損門互看

○加減八味丸 陳自明外科精要引李迅癰疽方 詳見後瘡瘍門

○生脉散 詳見前暑門

○易老門冬飲子 醫壘元戎 詳見暑門生脉散條下

○黃耆六一湯 局方寶慶新增方又外科精要

按黃耆六兩甘草一兩治癰疽前後發渴之方

○仁齋加味錢氏白朮散 仁齋直指消渴治消中消穀善飢

按錢氏本方加柴胡枳殼五味後世方書多載之

○生津甘露湯 蘭室秘藏 ○生津甘露飲子 同

○當歸潤燥湯 同 ○辛潤緩肌湯 同已上東垣方

○人參石膏湯 素古保命集 按人參白虎湯也治上消之方

○順氣散 保命集 按小承氣湯也治中消之方

○茴香散 同 按茴香苦練二味治腎消之方

○八味丸 同 按治腎消之方已上張易水治三消之法也

○白虎加人參湯 治能食而渴者

蘭室秘藏

○錢氏白朮散倍葛根 治不能食而渴者

秘藏 引素古

○爾蘇湯 儒門事親 又得效方

○火府丹 本事方 生地黃木通黃芩蜜丸 詳考見五淋門

按此方治淋許學士移治渴病為心經有熱與此丹痊詳

見本事方

○水腫脹滿

○防己茯苓湯

防己黃耆湯

越婢湯

○越婢加朮湯

甘草麻黃湯

麻黃附子湯

○干棗湯

五苓散

已椒瀝黃湯

已上金匱要略

○**十水丸** 千金翼方

按外臺秘要有古今錄驗十水丸二方各有異同今不復錄再按本事方後集出十種水病方與翼方外臺等大同小異蓋本事方後集十種水病方後有後用補藥方翼方外臺所不載又十水之目出於中藏經水腫

○**五皮散** 中藏經

生姜皮桑白皮橘皮木腹皮茯苓皮

局方諸局經驗方五皮散中藏之方去橘皮桑白皮加五加皮地骨皮百一選方五因方與中藏同神珍引澹寮方同按二方後世通用

○**五皮散加姜黃木瓜之方** 丹溪心法水腫加味五皮散是方

○**分心氣飲** 局方

按有二方一即寶慶新增方與今用方不同一方續漆諸局經驗方即今用十二味方也詳考見前氣門

○**分心氣飲真方** 仁齋直指方詳考見前氣門

○**分心氣飲加車前子木瓜葶藶麥門猪苓澤瀉方** 得效

按得效方諸氣分心氣飲方後云水氣面目浮腫加右六味云云此六味之加龔雲林書皆載之其原出得效方蓋雲林據干得效方法頗多矣

○**木香流氣飲** 局方續漆諸局經驗方

○**二十四味流氣飲** 同云出集驗方

○**實脾散** 本事方治脾元虛浮 附子草果乾姜木腹皮木瓜甘草

按嚴氏濟生方水腫治陰水實脾散比此本事方之多厚朴白朮茯苓木香予始謂本事方傳寫脫之後閱醫學綱目出本事實脾散亦六味也然則嚴氏由于本事而加此四味歟後世方書皆用濟生方

○復元丹 三因方水腫 ○當歸散 三因方

○禹餘糧丸 三因方 按本事方治十種水氣紫金丹即禹餘

糧丸也只三因方作白豆蔻本事方作肉豆蔻餘藥同後世方書多作白豆蔻不知孰是詳按當以本事方為原然諸方書皆作禹餘糧丸

○茯苓分氣飲 三因方 按與入門分氣紫穗飲同只有陳皮

○實脾散 濟生方 與前本事實脾散併看 ○疎鑿飲子 濟生方

○赤小豆湯 濟生方 按治瘡疥腫滿之方 按原方有澤漆入門無澤漆有牛膝醫林無澤漆又無牛膝

○加味腎氣丸 濟生方

按即加減金匱腎氣丸也仲景腎氣丸加車前子牛膝濟生方附于二兩官桂牛膝熟地黃各半兩餘藥各一兩煉蜜為圓與仲景腎氣丸分兩大不同玉機微義載此

白茯苓二兩熟地黃四兩附子五錢餘藥各一兩薛立齋因玉機分兩後世多用此喻嘉言論之取以附子為君亦倣之用嚴氏原方覺效神速今醫稱金匱腎氣丸者誤矣金匱腎氣丸乃仲景八味丸如此丸當曰加減金匱腎氣丸或濟生加味腎氣丸薛氏專為治虛人腫脹要劑蓋君茯苓之方本出玉機喻嘉言為薛氏重訂方者非

○三花神祐丸 河澗宜明論

按宜明又有崔宣武劉庭瑞神祐丸大同小異又儒門事親有神祐丸比宜明無輕粉玉機微義作宜明三花神祐丸當以劉氏為原蓋此方仲景千棗湯加減法也如舟車丸舟車神祐丸亦自千棗變來

○葶藶木香散 宜明論 按與回春所載方同又考宜明有

百木木香散治喘嗽腫滿欲變成水病者不能臥不敢食

小便悶者方葶藶木香散去葶藶木通加枳櫛陳皮之方
后代方書欠載故併錄備參考

○導水丸 張子和儒門事親

○禹攻散 儒門事親

○澹川散 按此方古來為張子和方因之三復事親雖論中
有澹川之名未見其方姑俟他日玉機濕門載此方

○治婦人經脉不通即化黃水水流四肢則遍身皆腫名
曰血分 良方引養生必用方 人參當歸大黃瞿麥赤芍
肉桂茯苓葶藶為末蜜圓

按此方又出本事方后集水腫即陳良甫婦人良方治血
分之一丸云出養生必用方薛立齋名入參丸亦同

○椒仁圓 陳氏婦人良方治血分腫滿主方

○葶藶圓 婦人良方治水分腫滿主方云出王氏指迷方

葶藶續隨子乾笋末為末棗肉圓云云

按椒仁人參葶藶之三丸皆古方而薛立齋屢用取效蓋
血分水分病之者頗多往往枝窮束手待斃醫者宜審三
丸而選用之但椒仁一丸藥品峻烈而難修合雖薛氏有
若畏而不服養病害身之語然如予小膽未能試用之如
人參丸平穩易用

○導滯通經湯 醫學發明 蘭室秘藏

○補中治濕湯 按此方異効散去甘草加蒼木麥門黃芩

當歸厚朴升麻木通之方也元是出丹溪治腫脹之法見
平治會萃丹溪纂要醫學正傳等原無方名本邦一溪先
生增損加分兩号補中治濕湯又壽世保元水腫行濕補
中湯即此方而無當歸木通升麻有澤瀉皆出於丹溪朱氏
○導水茯苓湯 按此方屢用得效不佞淺見未審原書僅

見出於方賢音效良方以是為證晚近證治準繩醫集必讀醫燈續燭等書載此方古今醫統引良方蓋音效良方歟右多係水腫之方

○雞屎醴散

素問腹中論

帝問病心腹滿且食則不能暮

食岐伯對名為鼓脹治之以雞屎醴○河澗宜明論木黃桃仁雞矢醴生姜煎服○王璽醫林集要雄雞矢川芎酒煮麩糊丸造雞屎醴之法見本草綱目雞屎附方

○四炒枳殼丸

本草綱目附方引王氏簡易方

○廣茂潰堅湯

醫學發明蘭室秘藏

○中滿分消湯

醫學發明蘭室秘藏

○中滿分消丸

醫學發明蘭室秘藏

○木香順氣湯

醫學發明又出衛生寶鑑

○人參白朮茯苓原朴腹皮薤白朮萊菔子陳皮海金沙木香木通甘草 又方人參白朮川芎當歸白芍滑石腹

皮薤白朮萊菔陳皮海金沙木通木香甘草

按此二法見丹溪醫按鼓脹龔氏鼓脹行濕補氣養血湯以此二方增損以立一方歟

○壯原湯

赤水玄珠

按雖非古方今醫多用取効故併錄

右係脹滿之方

○黃疸

附黃汗

○茵陳蒿湯

傷寒論金匱要略

○梔子大黃湯

金匱

○茵陳五苓散

金匱

○天黃消石湯

金匱

○麻黃連軀赤小豆湯

傷寒論

○梔子檉皮湯

傷寒論

○桂枝加黃耆湯

金匱黃汗

即桂枝湯加黃耆之方

按仁齋直指黃汗出此方金匱方而只有黃芩

○腎疽湯 蘭宜秘藏

○茯苓滲濕湯 衛生寶鑑

○茯苓梔子茵陳湯 衛生寶鑑

○加味四君子湯

仁齋直指方治色疽
按本方加黃耆白芍藥扁豆

○養榮湯

治五疽脚弱心忪口淡耳響微寒發熱氣急

小便白濁當作虛勞治之 因方

按養榮湯即人參養榮湯也以此方移治虛疽者陳無擇
變通之見歟

○小温中丸 丹溪心法

○大温中丸 丹溪心法

五淋

○括蕁頭雀麥丸 金匱

○蒲灰散

○滑石白魚散 同上

○茯苓戎鹽湯 同上

○腎氣丸 同上

○猪苓湯 同上

○石葶散 千金方

○五淋散 局方

按局方有二方

寶慶新增方

赤茯苓當歸甘草赤芍藥山梔子仁水煎

按此方即今用方

續添諸局經驗方 木通滑石甘草山梔子赤芍藥茯苓

淡竹葉山茵陳水煎

○八正散

局方 按儒門事親云加木香尤佳後世名八正加木香湯

○導赤散

小兒直訣 局方 淳祐新添方 此方係錢氏製

生地黃木通生甘草竹葉少許水煎

續添諸局經驗方 導赤圓赤芍茯苓滑石生地黃木通木

黃山梔為末密圓

得効方 導赤散

直訣本方加黃芩燈心茅根

○清心蓮子飲 局方 寶慶新增方

○石葶散 局方 與千金方不同

○火府丹 本專方

按此方錢氏導赤散去甘草竹葉加黃芩蜜丸火府丹之
号出於本專方又見消渴門元戎火府丹有黃蓮

○滋腎丸 醫學發明

熟水為丸

黃柏三兩 知母二兩 肉桂一錢半

○通關丸 一名滋腎丸蘭室秘藏 黃柏知母各二兩 肉桂

五分熟水為丸

○治小便頻滑數不禁知母黃柏等分為末水丸 儒門事親

○療本滋腎丸黃柏知母各等分為末水丸 蘭室秘藏

按滋腎丸治不渴而小便閉邪熱在血分之主劑也知柏
各用酒製夫治小便滑數知柏二味水丸之方原出子和
方既見事親即秘藏療本滋腎丸是也加肉桂為監佐者

出於東垣老人歟

○清肺飲子

醫學發明 蘭室秘藏
治渴而小便閉邪熱在氣分之方

○黃芩清肺飲

衛生寶鑑

按黃芩山梔二味薛氏用之

○茯苓琥珀湯

衛生寶鑑

○木香湯 直指方

○葉氏治血淋方

袖珍方引簡易方 按此方龔氏書多收入

○生附散

玉函方
治冷淋

生附子滑石瞿麥木通半夏燈心生姜蜜

○積聚

按虛和丹溪纂要云積者停蓄之總名又萬全
保命歌括云積者停畜之謂乃病之總名也
故曰積日聚日癥日瘕通謂之積予謂積聚癥瘕疝
癖雖一一可別之而通謂之積之說亦為得矣和邦
世俗一槩謂積其言偶合 宜與痞滿門互看

○七氣湯

千金方 積氣

半夏人參桂心甘草生姜

○紅圓子 易簡方 局方紹興續添方

按此圓子有三方局方三稜莪茂乾姜胡椒青皮陳皮為未用醋糊為圓紫紅為衣易簡方有阿魏餘藥同王因方無乾姜陳皮有阿魏土朱為衣後世云紅丸子

○肥氣圓伏梁圓痞氣圓息賁湯奔豚湯 王因方

按此五積之方東垣又有同名方見王機微義等然而今考東垣之書未見五積之方海藏謙甫之書亦未考及換他日考索

○散聚湯 王因方

○大七氣湯 濟生方

按此大七氣湯後世積聚所用大七氣也又王因大七氣湯仲景半夏厚朴湯即局方四七湯宜與氣門參看

○指迷七氣湯 仁齋直指 按濟生大七氣湯只無王稜方

後云加半夏蓋指迷方先於濟生則屢徵于指迷方而加王稜乎

○膈茂潰堅湯 醫學發明 蘭室秘藏 ○保和丸 丹溪心法

○枳朮丸 詳考見前內傷門 ○木香檳榔丸 儒門事親 王稅引楊氏

○勝紅丸 袖珍方引簡易方又出奇效良方

按此丸以局方紅圓子增損之方龔氏書積聚門載之名勝紅者以其效勝紅圓子也又本草方有勝紅圓比較此勝紅丸有下皮厚朴縮砂無良姜

○發熱 當與火門虛勞併看

○瀉白散 地骨皮散 瀉心湯 導赤散 詳考見五淋門

瀉黃散 瀉青丸 地黃丸

右出錢氏見小兒直訣

○黃連解毒湯 外臺秘要 詳見傷寒

○人參養榮湯 玉函方 詳考見虛損門

○參蘓飲 局方淳祐新添方易簡方 詳考見痰飲門

○涼膈散 局方 詳考見斑疹門

○升陽散火湯 辨惑論 脾胃論

按蘭室秘藏名梨胡升麻湯同與陶氏傷寒方不同

升麻葛根獨活羌活白芍藥人參炙甘草柴胡防風

生甘草水煎 按此方後世書發熱門所收入方又秘藏火鬱湯治症品

味相類故載于左

○蘭室秘藏火鬱湯 比升陽散火湯無羌活獨活人

參生甘草 按方考火鬱湯升陽散火本方去獨活加葱白

○當歸補血湯 辨惑論 黃耆一兩當歸二錢水煎

按此方東垣之製治血虛發熱證象白虎之神劑又有秘

藏黃耆當歸湯品味相同載于後

蘭室秘藏黃芪當歸湯治熱上攻頭目治身胸背發

熱當歸一錢黃芪五錢水煎

○四物二連湯 醫壘元戎 按四物加黃連胡黃連之方

○柴胡飲子 宜明論 此方小柴胡湯去半夏加大黃當歸芍

藥又有雀宜武方本方加半夏五味子桔梗有劉庭瑞方

本方加半夏

○柴陳湯 明醫指掌退熱和中理氣治瘧

○茯苓補心湯 三因方 易簡方 詳考見虛勞門

○人參柴胡散 衛生寶鑑

醫方類聚卷中

按此方消送散加入參半夏葛根即本事方入參散去黃
芩之方也寶鑑治症與本事入參散同陶氏傷寒升陽散
火湯亦自此方變化回春發熱入參清肌散即此入參柴
胡散當與傷寒散火湯互看

○柴胡四物湯 保命集婦人胎產門 即柴物湯詳見婦人門

○癩疹

○化斑湯 活人書 人參石膏萎蕤知母甘草入糯米煎

按此方入參白虎加萎蕤而硬米代糯米之方也袖珍玉
機心法等書化斑湯皆白虎加入參湯也夫白虎加入參
湯仲景聖法布在金匱蓋化斑之名出於活人而有萎蕤
後世但以白虎加入參名化斑湯者恐未審焉又河間傷
寒標本云胃熱發斑白虎加入參白木故玉機心法等化
斑湯方后云守真再加白木

儒門事親化斑湯 紫草升麻甘草入糯米煎

○玄參升麻湯 活人書 玄參升麻甘草

○陽毒升麻湯 活人書 升麻犀角射干黃芩人參甘草水煎

按回春斑疹升麻湯即此方而無黃芩又見傷寒門

○葛根橘皮湯 外臺秘要引小中法 活人書之方同

○升麻葛根湯 活人書名升麻湯即局方升麻葛根湯
詳見傷寒門

○消毒犀角飲子 局方積熱吳直閣諸家名方

荆芥防風午莠子甘草之四味

按局方無犀角疑脫歟吳昆云無犀角而名犀角者謂其
功用同乎犀角也此說屬牽強友松子既辨之

○鼠粘子湯 活人書小兒瘡疹 四味消毒飲而無犀角

○袖珍方豆疹消毒飲即四味之方而有升麻 醫書大全同

醫方紀原卷中

九九

玉池堂版

○丑機斑疹消毒犀角飲子即四味之方而無犀角

○醫學正傳斑疹犀角消毒飲此方有犀角

○心法附餘小兒消毒犀角飲 即四味消毒飲方後云一方加黃芩犀角

按方銘犀角消毒而無犀角者皆襲司方誤而係脫漏

○涼膈散 局方積熱

按宜明論傷寒直格涼膈散一名運翹飲子方與局方同

本事方後集積熱一方比局方涼膈散無黃芩有葛根赤

考

○消風散 局方諸風

○防風通聖散 宜明論詳考見中風并火門

○消毒加犀角飲 得效方

按四味消毒飲加犀角升麻麥門桔梗

○解毒防風湯

紫古保命集名防風湯海藏斑論萃英名解毒防風湯

按此方四味消毒飲去甘草加地骨皮黃芪芍藥以穀

○虛損虛勞勞瘵痼冷 已上諸方雜攷宜擇之

按病機氣宜保命集曰虛損之疾寒熱因虛而感也感寒則損陽陽虛則陰盛損自上而下治之以辛甘淡過于胃則不可治也感熱則損陰陰虛則陽盛故損自下而上治之宜以苦酸鹹過于脾則不可治也而又載難經一損損肺二損損心等之語誠為虛損要旨予讀此殆有感悟陽虛過胃則不治陰虛過脾則不治如今虛勞疾至脾胃損有不食泄瀉則虛扁不能治者此謂也頃讀保命歌括舉此病機語云此論損病俱至脾胃死者論穀氣絕也此說與鄙意合不惟虛損百病昏然經曰人以胃氣為本安穀則

昌絕穀則亡

○桂枝加龍骨牡蠣湯

金匱要略虛勞

○天雄散

同虛勞

天雄白朮桂枝龍骨

○小建中湯

同虛勞

○黃耆建中湯

同虛勞

○薯蕷丸

同虛勞

○酸棗湯

同虛勞虛煩不得眠方

酸棗甘草知母茯苓芎藭

○天黃廬虫丸

同虛勞內有乾血方

按喻嘉言醫門法津有論可考

○炙甘草湯

傷寒論大陽證治傷寒脈結代心動悸方

按金匱虛勞附方出升金翼炙甘草湯一名復脈湯方與傷寒論同蓋治虛勞不足者出於升金翼耳

○八味腎氣丸考

金匱要略

○金匱虛勞門八味腎氣圓

○同書痰飲門腎氣丸

○同書消渴門腎氣圓

○同書婦人門轉胞腎氣圓

乾地黃八兩薯蕷山茱萸各四兩澤瀉茯苓牡丹皮各三兩桂枝附子炮各一兩有八味末之煉蜜和丸云云

按腎氣圓乃八味丸方見金匱婦人雜病即今用之方後來分兩有差蓋八味丸依分兩其意殊異故錄于後備參考

○附後方虛損羸瘦方建中腎瀝湯乾地黃四兩茯苓薯蕷

桂枝丹山茱萸各二兩附子澤瀉各一兩搗蜜丸此是張仲景八味腎氣丸方療虛勞不足大傷飲水腰痛小腹急

小便不利又云長服即去附子加五味子按附後建中腎瀝湯即仲景八味腎氣丸但分兩與金匱

不同

○崔氏八味丸治脚氣上入少腹不仁。金匱中風歷節附方。按此崔氏八味丸，品味分兩，與婦人轉胞腎氣圓同。乃林億等自外臺秘要脚氣方中採附于金匱中風歷節之後。蓋八味腎氣丸，仲景先生所製而又治脚氣上入者，出於崔氏所治，故標出崔氏八味丸。此崔氏未審名字，應是仲景以後人耳。諸方書或以八味丸為崔氏製者，非也。又漢武帝病渴，仲景為處此方之說，醫說引泊宅編，吳昆從而述之，附會之說不可信。友松子既辨之。

○外臺崔氏治脚氣上入少腹不仁，八味丸，山茱萸五兩，澤瀉四兩，附子二兩，桂心三兩，餘藥同于金匱。外臺秘要脚氣按此外臺崔氏治脚氣八味丸，即林億附于金匱中風歷節後之方也。但分兩與金匱附方不同者，林億等考究之，疎近効祠部李即中消渴神方八味腎氣丸。外臺秘要見消渴門

○千金方補腎門八味腎氣圓 附子桂心各二兩餘藥同于金匱

按千金八味腎氣圓其治症則依金匱但桂附用二兩是為異耳。蓋桂附各用二兩始見於千金。

○局方虛損門八味圓 主治略之 分兩與千金同桂附各二兩

○醫壘元戎厥陰症近効治脚氣上入小腹不仁八味丸見崔氏牡丹澤瀉各二兩桂枝附子茯苓各二兩餘藥與金匱同

按此分兩亦異也。古今醫統虛損門八味丸分兩即是。○醫林集要老人門金匱方腎氣丸夏時方八仙丸是也。按此說不知原何書。古來多為長沙製，吾從衆。詳按八味丸金匱分兩作桂附各二兩千金方作二兩局方

亦作二兩，爾後且因方婦人良方醫學發明衛生寶鑑得
劫方等宋元之書多作二兩，後世方書間有作二兩，予先
人嘗疑金匱傳寫誤，二作一，歟。夫一兩，桂附雖固取溫化
引經，恐難對八兩地黃，故予家通用二兩，或臨症倍加，再
按益火之源，以消陰翳，壯水之主，以制陽光，此語出於正
大僕至真要論，註語而後王海藏元戎引易老云八味丸
益火之源，以消陰翳，壯水之主，以制陽光，錢氏地黃丸自
是而後薛立齋專以此二語附會于八味六味二丸，予於
此等說有管見，恐以為贅，于斯置筆，又按八味八味為料
用者始於薛氏歟。

○小建中湯 千金方補腎門

按與仲景之方同，方後云肘後方加黃耆人參為佳，若痰滿
及澹洩可除膠飴。

○建中湯 千金方補腎門

按與仲景建中湯不同，此外有建
中，天建中之諸方皆不同，宜考千金。

○前胡建中湯 千金方補腎此方黃芪建中加當歸芍藥茯苓

人參半夏白糖無膠飴

○黃耆建中湯 千金補腎 按與仲景方同

○樂令黃耆湯 千金補腎 按與局方樂令建中湯同

○腎歷湯 同書 按又有腎歷散諸方

○無比薯蕷圓 同書 按與局方無比山藥圓同

○天薯蕷圓 同書 按與仲景方不同

○腎氣圓 同書 按千金方補腎門腎氣圓有四方，二方與常用

之方大不同，一方即八味腎氣丸去牡丹皮加芍藥，玄參之
方又一方八味腎氣丸去山茱萸附子加半夏之方也。

醫方綱目卷中

○八味腎氣圓 同書 按此八味腎氣圓即仲景之方今用八味丸也只附子肉桂用二兩餘藥同詳見前

○治讀誦勞極疲乏困頓方 千金方

按此方千金大補湯去白朮加地骨皮方也後世治虛勞發熱多飲此製

已上孫真人千金方此餘頗多茲不再載

○小品黃耆湯 外臺秘要 按黃芪建中湯加人參當歸方

○深師黃耆湯 外臺秘要 按黃芪建中湯加人參半夏方

○大建中湯 外臺秘要

按黃芪建中湯加人參當歸半夏附子方

○深師黃耆建中湯 外臺 按仲景方加人參半夏去薑方

○小品黃耆湯 外臺

按仲景黃芪建中湯加麥門乾地黃黃芩當歸

○必效黃耆建中湯 外臺 按仲景方加人參當歸去甘草方

○深師黃耆湯 外臺 按仲景黃芪建中湯加半夏茯苓桑螵蛸當歸

○古今錄驗黃耆湯 外臺 按即仲景黃芪建中湯

○又古今錄驗黃耆湯 外臺 按仲景黃芪建中加當歸乾姜方

○古今錄驗芍藥湯 外臺 按即仲景小建中湯

已上出王壽外臺秘要皆是建中增損方庶幾助治療之一乎

○逍遙散 局方婦人門 易簡方

按局方不係續添當以御局為原

當歸芍藥白朮茯苓柴胡各一兩甘草半兩煨生薑一塊薄荷少許 按薛氏所用之方茯苓或代用茯神

醫方綱目卷中

廿四

玉池堂反

○易簡方方後有煨生姜一塊無薄荷
按局方易簡藥案治症同但局方煨姜薄荷并用易簡方不用薄荷是其異也

○得效方煩熱門逍遙散藥味與局方同姜二片麥門冬二十粒煎服一方加知母地骨皮
按得效方後有麥門冬又一方有知母地骨皮是亦異方宜臨症選用

○趙氏醫貫爵病門古方逍遙散當歸芍藥白朮茯苓柴胡薄荷陳皮甘草
論中云方中唯柴胡薄荷二味最妙按醫貫古方逍遙散比常用之方有陳皮

○張氏醫通逍遙散亦有陳皮云此本八珍湯去參之益氣膏之上竄地之臍膈而加入柴胡陳皮薄荷以疎肝氣兼用煨者取其守中而不致於辛散僭上也

○證治準繩女科雜病血風勞逍遙散引神巧萬全方比局

丸無當歸芍藥薄荷有人參黃芪 按是亦異方

○四物湯 局方 婦人 詳考見後婦人門

○黃耆六一湯 局方 虛損寶慶新摺方 按黃芪甘草二味

○十四味建中湯 局方 虛損寶慶新摺方 又易簡方逍遙散方後天建中湯此方

○雙和湯 本事方 局方寶慶新摺方 虛損門 又附于易簡方逍遙散方後

按本事方雙和散方後云予製此方止是建中四物二方而已據是語則雙和散乃許叔微之製歟再按此方四物加黃耆官桂甘草本事局方易簡品味皆同東垣辨或論方亦同但東垣醫學發明所載雙和散有人參蓋東垣至老年有此加取比較本方頗覺有力

○四君子湯 詳考見前內傷門

○人參養榮湯 王因方 局方痼冷停祐新添方 按應是虛

損方誤入，痛冷與又附于易簡方，迢迢散方後

按此方雖出司方，而既係薄祐新添，則當以且因為原與，主治及方後加味甘，因司方同，但且因易簡單名養榮湯，司方名入參養榮湯。

○妙香散 司方紹興續添方虛損 又出本專方按即辰砂妙香散

○安神散 按本邦司方妙香散去麝香名安神散嘗聞往昔

道導練師南遊學醫既歸本邦醫名籍甚一溪先生受業

此門練師以妙香散去麝改号安神散授之十溪叟到今

不惟醫家家戶戶為安神正氣妙藥者實因練師恩惠耳

○鹿茸四斤圓 司方虛損 續添諸局經驗方 ○二建湯 司方虛損川烏天雄附子續添諸局經驗方

○小兒絲圓 司方吳直閣增諸家方 按又有伏兒圓玄兒圓大同小異詳見後赤白濁門

○黃芪驚甲散 司方虛損骨蒸 吳直閣增諸家方 ○秦苳驚甲散 司方虛損骨蒸吳直閣增諸家方

○沉香驚甲散 司方虛損骨蒸 吳直閣增諸家方 ○伏火二氣丹 司方虛損續添諸局經驗方

○靈砂 司方虛損 續添諸局經驗方 ○二氣丹 司方痛冷

○金液丹 司方痛冷 ○橘皮煎圓 司方痛冷

○附子理中圓 司方痛冷 詳考見中寒門

○震靈丹 紫府元君南岳委夫人方出道藏一名紫金丹 司方痛冷吳直閣增諸家方 又出易簡方且因方

○乘復丹 鐵寒城八角杜先生方一名正一丹 又出易簡方 司方痛冷吳直閣增諸家方 又出易簡方本專方

○養正丹 出寶林真人谷伯陽傷寒論中一名交泰丹 又出易簡方本專方

○黑錫丹 丹陽慈濟木師受神仙秦君方 本專方 司方痛冷吳直閣增諸家方 又且因方眩暈出此方比司方多青皮烏藥餘同

○金鎖正元丹 司方痛冷諸局經驗方

十全大補湯考

○和劑局方虛損吳直閣增諸家名方十全大補湯 主治略之
白茯苓白朮人參熟乾地黃白芍藥粉草黃耆肉桂川當
歸川芎各等分布為麤散生薑棗子

○局方虛損諸局經驗方十全飲 治症略之 品味同前

○本事方加料十全飲治諸虛并腹病 品味同前方後云

病腹加栽木王稜良姜丁香縮砂

○易簡方胃風湯方後云胃風湯加熟地黃黃耆甘草等分
足為十味名十全補湯大治虛勞

○病機氣宜保命集十全散治心肺損及胃飲食不為肌膚
宜益氣和血調飲食 藥味同前

○醫學發明十全大補湯 品味同前

○得效方十全補湯藥味同前

○醫壘元戎天補十全散 主治略之 品味同前 方後曰桂

芍藥甘草小建中湯也黃耆與此三物即黃耆建中湯也
人參茯苓白朮甘草四君子湯也川芎芍藥當歸地黃四
物湯也以其氣血俱衰陰陽並弱得天地之成數故名曰
十全散

按此方未審原書補珍正機俱引局方始以是為本據雖
出於本事易簡未足為證如十全大補湯之考出於局方
吳直閣方十全飲其古名歟局方治症乃諸虛百損五勞
七傷等也如索古保命集原於難經損脈之病而著論立
方故初立黃耆四君子湯治肺損次以八物湯治心肺虛
損又出十全散治心肺胃損如肝腎損各有治方再按或
謂此方八物湯加黃耆肉桂名大補湯然而據元戎之說
則元是黃芪建中四君四物之合方非由八物湯而又加

黃芪肉桂也。局方易簡有大補湯無八物湯則天補湯先於八物湯也。明矣。當與八珍八物之條下互考。又按清顧元文本草彙纂木香條下引周慎齋說曰四君子之用木香治滯氣之在胸中四物之用沉香治動氣之在臍下。此伊尹十全大補湯也。上古氣血皆厚。故用二香補而兼之。以疎通若。近世之人氣血單薄。故東垣以黃芪代木香。更益上焦之氣。以肉桂代沉香。溫暖陰血。使之發生也。又張氏醫通天補湯方下云古方十全大補湯無黃香肉桂多沉。杲杲不知此說。據於何書。姑錄之以便參考。

○天地丸 一名三儀丸 醫聖元戎少陰症 天門地黃等分煉蜜和丸

○三才丸 元戎云天門人參地黃即三才丸也。又天地丸方後云三才丸天地內加人參是也。按本草綱目天門冬附方出三才丸引潔古活法機要。然今見機要無此方。備

門事親咳嗽載三才丸云治嗽然則以事親為本歟。姑俟他日。

○三才封髓丹 醫學發明 按三才丸加黃柏宿砂甘草

○葉氏人參固本丸 一名三黃丸 袖珍引簡易方 按生地熟地天門麥門人參

○瓊玉膏 醫聖元戎云鐵鑿先生方 本草綱目地黃附方載瓊玉膏云鐵鑿城巾先生方

按正傳引膠仙日今予所製此方加沉香琥珀其効異於世傳之方。

○治發寒熱欲成勞瘵者 平江醫僧果都正方 百一選方 十全飲子加黃連一味煎服熱在骨節裏加青蒿或鼈甲

○治發寒熱成勞瘵者 袖珍方引淡寮方 十全大補湯加黃連熱在骨髓加青蒿鼈甲骨蒸發熱飲食

自若加柴胡

○虛勞通用天補湯嗽加北五味痰加半夏發熱加柴胡有汗加牡蠣虛寒加附子寒甚加乾姜皆依本方此復脾胃盛者可服稍不喜食則不可服玉頌易簡方

按百一淡寮易簡治虛勞下補加減之法庶幾有補治療黃耆建中湯百一選方虛勞

○黃耆建中湯百一選方虛勞 黃芪白朮枳殼前胡杏仁柴胡人參茯苓甘草當歸川芎半夏黃芩芍藥羚羊角生地黃麥門冬生姜

○治勞疾鱧魚食之百一選方虛勞 醫說引秘傳錄

○斑龍丸百一選方虛勞楊梅卿方 鹿角膠鹿角霜栝子仁兔絲子熟地黃 脩製茲不再錄

○斑龍丸本草綱目鹿條引淡寮方一名茸珠丸鹿茸鹿角膠鹿角霜陽起石肉蓯蓉酸棗仁栝子仁黃芪當歸附子地黃各八錢珠砂半錢為末酒糊丸 按二方不同可互考

○人參散本專方 按此方局方逍遙散加人參半夏葛黃芩本以治邪熱客於經絡婦人血熱虛勞骨蒸等症實鑑發熱入參柴胡散及陶氏傷寒升陽散火湯之類皆自此方而變化其原實出於局方逍遙散

○獺肝散附局方千金方 治冷勞尸注鬼注獺肝一具為末水服 廣濟療瘦病獺肝丸獺肝炙六分天靈蓋燒生犀角前胡汁麻枳實四分松脂甘草五分蜜丸 外堂又有良方獺肝丸見于後

○獺爪屑酒服本專方

○茯苓補心湯考 玉頌方又附于易簡方參菴飲方後 補珍方引澹寮方 玉頌方茯苓補心湯治心虛寒病苦悸恐不樂心腹痛難以言心寒恍惚喜悲愁恚怒衄血面黃煩悶五心熱渴獨

語不覺咽喉痛舌本強冷汗出善忘恐走及治婦人德妊惡阻吐衄眩暈四肢怠墮全不納食

按此方參蘓四物合方也。二因方無葛根有乾姜。予始謂且因方傳寫誤。乾葛作乾姜。以未見異本不能釋疑。後復見且因參蘓飲乃骨方參蘓飲。而但無葛根由是觀之。則陳無擇以此參蘓飲合四物而又加乾姜耶。俟明者而正之。

○易簡方參蘓飲方後云用此藥三兩四物湯一兩半合和名茯苓補心湯治男婦虛勞發熱或五心煩熱并治吐血衄血婦人下血過多致虛熱。按此方即今用之方。

○千金方心虛寒門茯苓補心湯治心氣不足善悲恐志怒血面黃煩悶五心熱或獨語不覺咽喉痛舌本強冷涎出善忘恐走不定婦人崩中面色赤方茯苓桂心紫石英

人參麥門冬赤小豆甘草大棗

詳按此千金茯苓補心即古方也。至治千金與且因大同而品味不同。竊謂陳無擇蓋因千金治症以變其方。猶用舊名。歟。專為虛勞發熱吐衄等主方者。權輿於易簡治婦人惡阻者。蓋觴乎且因矣。其日治心寒恍惚悲恐怒獨語恐走等者。元是千金治症也。蓋茯苓桂心紫石英等品味皆補心之藥。故方以補心名之。固當矣。若且因以參蘓四物合方而亦日治是等症。猶用補心舊名者。愚未解其意。雖陳氏明哲恐有議也。故後輩於補心二字各出意見。本由千金方名則不須煩費解矣。先輩以此方為出於陳良甫婦人良方。然良方原書未見此方。熊宗立良方補遺血枯失血門載此方。龔雲林書方下主治乃熊氏補遺治症也。其云常進以治宮娥多効者。乃薛氏良方補註所附。

益之語也。薛氏良方補註混淆不別故多以為陳氏。又云治婦人心胸嘈雜亦熊氏補遺所載也。

○八珍湯考 八物湯考

○八珍湯神珍方脾胃門引御藥院方。和血氣理脾胃當歸赤芍藥川芎熟地黃人參白茯苓甘草宿砂仁各等分右咬咀姜棗煎服。

○醫壘元戎大陰四君子湯人參甘草白茯苓宿砂仁右方在四物八珍湯例。

○醫壘元戎厥陰四物湯方後曰四物與縮砂四君子湯各半名八珍湯保胎氣令人孕。

○同條下曰四君子湯人參宿砂白茯苓甘草合四物湯為八珍湯治女子不孕癰閉遺溺咽乾女子因服熟藥噎乾者亦亡血損氣之所致也宜八珍湯。

按八珍湯未審原書神珍引御藥院方始以是為本蓋此方四物與宿砂四君子湯合方故無白木有縮砂如縮砂四君子湯既見元戎未知其所出宋元方書未見八珍湯僅見於元戎至明方書如醫書大全丹溪心法醫林集要心法附餘直指附遺醫學入門等脾胃門所載八珍湯皆此御藥院方無白木有宿砂是乃古方八珍湯歟又按藥院方以有宿砂而和血氣理脾胃故諸方書入脾胃門如元戎附并厥陰四物方後保胎氣治不孕故用宿砂其意各異也。

○神珍方婦人門引瑞竹堂八珍散調和榮衛理順陰陽滋血養氣進羨飲食四物四君子右等分姜棗煎服。

按此八珍散未審何方或藥院方歟看醫林八珍散則現用八物湯歟。○醫林集要婦人蓐勞八珍散川芎當歸熟地黃白芍藥人

參白朮茯苓甘草右咬咀姜棗煎服

○明醫指掌八珍湯補氣補血即四君子對四物湯一名八物湯

按八珍散之名偶見於袖珍引瑞竹堂醫林集要由干袖珍出八珍散品味即今用八物湯也明醫指掌曰八珍湯一名八物湯薛立齋之書皆用八物湯名八珍湯爾後八物八珍通用而不知有古方八珍湯唯醫學入門別八珍八物涉獵不廣姑錄所見以俟博覽

○八物湯 黎古病機氣宜保命集一名活法機要

治心肺虛損皮聚而毛落血脉虛損婦人月水愆期宜益氣和血 白朮人參黃耆茯苓川芎熟地黃當歸芍藥各等分右爲麤末水一盞煎七分

按此機要八物湯以治肺損皮聚毛落有黃耆無甘草之

四君子而合四物湯雖爲潔古先生製而東垣謙甫之書未載此方道明方書虛損門所出八物湯多是機要之方也觀其主治可知其方蓋八物湯原出於潔古機要故諸書作機要八物湯雖袖珍引聖惠方出八物湯以無確據不足爲證品味亦異見後姑以機要爲原

○虞天民醫學正傳虛損門八物湯治氣血兩虛四君子合四物湯共爲一劑

按此八物湯雖入虛損門然視其四君子湯則今所用之方而非機要有黃耆之方又曰治氣血兩虛亦正傳其權輿歟夫氣用四君血用四物痰用二陳之法出於朱丹溪而王節齋輩雖再論之然天民虛損門始立三方曰四君子治氣虛四物湯治血虛八物湯治氣血兩虛而爲後學準繩者誠可謂幾觀矣

○丹溪心法附餘八物湯平補氣血調和陰陽仁濟直補宋惠濟附遺同
白木人參茯苓甘草白芍藥當歸地黃川芎石咬咀水煎服

按正傳及附餘八物湯即今常用八物湯即醫林葦勞八珍散薛立齋所稱八珍湯惟憾所見不傳未審此八物湯所出

○袖珍方婦人門引聖惠方八物湯婦人傷寒汗下後飲食減少血虛者宜服四物湯四兩黃耆甘草茯苓白木各一兩

醫統正脉所收入按葦醫壘元戎八物湯主治品味與此方同又張氏醫通八物湯即此方出朱肱古雜考按此八物湯與前二方亦異也此潔古機要八物湯則無人參有甘艸比常用之方無人參有黃耆

○袖珍方婦人門引聖惠方八物湯若經事欲行臍腹絞痛臨經痛者血澁也宜服四物湯玄胡索苦練栴柳木香

按此八物湯又出保命集婦人三四首且因方傷風門八物湯治足厥陰肝經傷風惡風而翹自汗小腹急痛寒熱如瘧骨節煩疼其脉尺寸俱微而遲者桂心當歸芍藥川芎前胡防風茯苓甘草姜棗

按右二方雖非四物四君合方之八物湯而以其名同併錄備參考

再按藥院八珍湯機要八物湯現用八物湯及袖珍引聖惠八物湯其主意各異也如有宿砂八珍湯日和血氣理脾胃如現用八物湯以易簡方四君子合四物湯故但日平補氣血調和陰陽或日治氣血兩虛如機要八物湯只以有一味黃耆具而治心肺虛損又無人參有黃耆之方

傷寒汗下後治法出平一時之權元是由四君子有異方而八物亦紛々不一治症亦各異矣宜與四君子大補湯條下互考如八珍湯古方只一而醫林以八物湯稱八珍散薛立齋先生通用八物湯名八珍湯而用無黃耆宿砂有白木甘草之方蓋以黃耆宿砂有宜此不宜彼而難為常用之方故通用有白木甘草平補調和之方歟薛氏以後以為定方耳管見如斯未知果其然否

○膏肓俞

千金方雜病

○三里

同上

○涌泉

同上

○灸骨蒸法四首

外臺秘要云崔氏別錄灸骨蒸方圖并序

按外臺秘要載崔知悌序并穴法四首前二首即四花患門穴法後二首張文仲骨蒸傳尸灸法神素師灸骨蒸效之法也本有四花名而無患門名崔氏四花穴法當

以外臺為本又嚴用和濟生方所載序并穴法與外臺同只其法詳耳濟生方亦無患門名再按徐鳳鍼灸大全舉四花穴法上二穴名曰患門然則患門之名徐氏其始歟又能宗立醫書大全及良方補註第一次名患門穴未審始于何人又資生經鍼灸聚英所載崔知悌四花穴法疑外臺濟生四花穴之略法而從簡便歟

○腰眼灸療疾

醫說引類編

○灸法黃帝灸二十一種癆圖并序

醫林集要癆門

肺俞厥陰心俞肝俞脾俞腎俞大杼膈俞膽俞三焦胃俞膏肓俞仍別灸四花膏肓為妙

按序即崔氏四花序與外臺濟生同四花穴法亦同無患門之号

○陳大夫傳仲景百勞丸 醫學綱目
方者云此齊大夫傳張仲景方也

按證治準繩亦作陳大人當以陳大夫為是

○麥煎散 陳氏婦人良方云出燕沈良方黃州吳判官方

○劫勞散 陳氏婦人良方

按陳氏婦人良方出劫勞散方後云陳日華云鄉人楊元鼎女及笄病證甚危一歲之間百藥俱試無有效者亦嘗從予求治法無有應之者偶過名醫得此方只一料遂除根專錄此方傳人云云此方八物去川芎白朮加五味半夏阿膠黃耆又楊氏家藏方寧肺湯即八物加五味麥門阿膠桑白皮此二方相類當選用之

○癩肝丸 陳氏婦人良方 癩肝驚甲柴胡朱砂桃仁升麻天靈蓋犀角梔子地骨皮知母黃耆耳草麝香蜜丸

○地骨皮散 仁齋直指方虛勞 元戎地骨皮枳殼散同

按王好古醫壘丸戎有地骨皮枳殼散即直指地骨皮散

也直指云治虛勞潮熱骨蒸壯熱後世為王好古製者誤矣

○秦艽鼈甲散 衛生寶鑑

按此方與地骨皮枳殼散大同小異蓋羅氏原直指地骨皮散而變成此方歟

○秦艽扶羸湯 玉機微義引楊氏按是楊俊家藏方乎袖珍

引和劑方誤也入門方同

○地黃丸 小兒直訣 即六味丸

按錢仲陽先生立五藏虛實之治方以地黃丸治腎虛即長沙夫子八味腎氣丸減去桂附之方也以小兒純陽故有此製耳易老東垣海藏之諸老稱錢氏地黃丸至明薛立齋先生專用此丸為日用經驗之劑蓋雖盤飴於錢氏而至其成功在於薛氏耶玉機微義以此錢氏地黃丸稱

金匱腎氣者誤矣金匱腎氣丸即仲景腎氣丸而今所稱八味丸也又六味丸之名出于丹溪心法乎

○加減八味丸

外科精要引李氏當以李迅癰疽方為原詳考見後癰疽門

○都氣丸

醫壘元珠

按元戎八味丸方後云加五味子為都氣丸述類象形之劑也又醫統正脈中按萃元戎八味丸方後加五味子系腎氣丸未知孰是又近世趙氏醫貫張氏醫通都氣丸六味加五味之方

○七寶美髯丹

本草綱目何首烏附方引積善堂方

○巨勝子丸

丹溪心法又奇效良方名神仙巨勝子圓

按此方未審原書醫學入門古今醫統等載之

○還少丹

袖珍方引楊氏家藏方又出直指方

○打老兒丸

古今醫統又介所還少丹方下云方茯苓換茯神加續斷名打老兒丸

○左歸丸右歸丸左歸圓右歸圓

張介賓類經附翼按雖非古方而今盛行故記之

○參朮膏

本草綱目白朮附方引集簡方

○獨參湯

詳考見傷寒門

○參附湯考

○加味參附湯

陳自明婦人良方滯下

大附子大人參二兩半

右二味咬咀每服四錢重水二盞姜十片丁香十五粒米一撮至七分空心溫服按本草綱目人參附方令喇厥逆六脈沉細出此方引經驗方

參附湯得刻方痲令治真陽不足上氣喘急自汗盜汗氣短頭暈但是陽虛氣弱之證並宜服之

人參半兩附子炮去皮臍壹兩右剉散分作三服水二盞

姜十片煎食前温服

○參附湯 得効方下痢 人參綿附肉豆蔻姜棗煎服

按救急神劑雖不比尋常之方憾未審原書王機微義出嚴氏看附湯次載參附湯本草綱目人參附方引濟生方正傳亦引嚴氏據是等書則似為嚴用和製然而今考濟生方未見此方或出濟生續方乎為可疑焉證治專說附方證治準繩附方共引得効方後世方書所載主治多是得効方也然則雖如以得効方可為本據然陳氏良方有加味參附湯則當知先於得効姑以良方為據耳加味專為冷痢厥逆而設如得効有肉蔻亦為下痢而加焉

得効元係瀉冷故君附子為虛損方始干王機入瀉泄原於要訣

○得効方 人參半兩附子炮一兩姜十片 詳見前

○薛正齊婦人良方補註附方人參一兩附子半兩姜棗

王機微義醫林集要醫學正傳奇效良方薛氏明醫雜著補註本草綱目附方等書皆據得効方作人參半兩附子壹兩但薛氏婦人良方補註附方作人參一兩附子半兩準繩雖引得効而亦作人參一兩附子半兩如通用當從此竊按古來雖為瀉冷瀉泄虛損方然未專用薛氏特稱獨參參一湯本邦尤為救急神方

○者附湯 濟生方 得効方

○歸脾湯 濟生方健忘 濟生本方用茯神薛氏方或用茯苓

按濟生原方無當歸遠志王宇泰準繩附方云薛新甫加遠志當歸從來諸先生皆從此說予近閱王機微義血症門載歸脾湯比嚴氏原方有當歸夫王機微義薛氏平日座右之書也方論多由於王機竊謂薛先生嘗因王機方有當歸而復加遠志以為定方歟王宇泰說似未深考本出於濟生故通曰濟生歸脾湯耳醫統歸脾湯嚴氏本方

而方後有燈心又按濟生方有治心勞遠志飲子此原方
歸脾湯無泉龍眼有當歸遠志桂心此即似薛氏重定方
而有桂世人知有歸脾而不知有此方又失血之考見血症門
○十補丸 濟生方腎藏虛門

按此丸八味丸加鹿茸五味子分錢以附子五味為君出
嚴用和氏製玉機後義載此丸誤脫地黃薛氏雜著附方
因襲玉機之誤而脫地黃闡齊評註醫按附方亦不及正
之本邦醫方口訣十補丸亦蹈襲此誤北山友松子有卑
越之才考訂正誤不可間然猶未辨及脫地黃先大人既
讀雜著附方知其脫地黃予頃年及閱濟生方第塞忽開
益信原書可考

○沉附湯 得效方痼令
附子沉香二味

○參附湯 同上 詳見前

○茸附湯 同上
鹿茸附子二味

○桂附湯 同上
交趾桂綿附子二味

○補中益氣湯 東垣辨惑論
脾胃論 醫學發明

按東垣李先生著飲食勞倦論立補中益氣一方到于今
走卒兒童稱之者誠以其効冠諸方也蓋李先生創製之
朱丹溪稍補之薛立齋專用之其升柴一味世醫舉口云
升提是素非先生本旨而實出于後人臆度千載之下先
大人發揮之說載在薛集又按醫學發明益氣方下云一
方加白芍藥黃蘗紅花辨惑脾胃無此加味又如分兩東
垣原方與薛立齋方不同後世方書多從薛方

○調中益氣湯 脾胃論 蘭室秘藏 衛生寶鑑
按三書之方各異詳見前內傷門

○參朮調中湯 辨惑論
○當歸補血湯 辨惑論

○黃耆當歸湯 蘭室秘藏
按即當歸補血湯詳見發熱門

按東垣老人製方頗多宜考本書又載內傷門可互看

○人參膏

丹溪有方發揮

本草綱目人參附方亦引丹溪人參膏煎法見丹溪纂要

○大補丸

丹溪心法補損下同

龍虎丸

補腎丸

補天丸

虎潛丸

補虛丸

補陰丸

天補丸

濟陰丸

按是等方皆沉陰降火之劑丹溪所製此類頗多後世滋陰降火之所由來也雖然見丹溪醫案虛損門用參耆者不少不止用知柏而已宜察全案

○蓮心散

丹溪纂要勞瘵

醫學正傳二十四味蓮心散品味同

○甲字號千灰散

乙字號花蕊石散

丙字號獨參湯

丁字號保和湯

戊字號保真湯

己字號天平丸

庚字號消化湯

辛字號潤肺膏

壬字號白鳳膏

癸字號十珍丸

直指附遺字補髓丹一名十珍丸

已上葛可久十藥神書按俞子容續醫說論十藥神書曰天平丸跋語專有言利之語又姑蘇志可久傳不載十藥神書故疑非可久所著予見本邦所刊行十藥神書天平丸後無一言及利俞子之說為可疑然閱序及論中云胡子瞻所傳之方而未見有葛氏所著之語予亦於是疑非可久真作但古來為葛可久書者必其存以也耶又按千灰散花蕊石散獨參湯等之名索所無而後人加之乎本書唯甲乙丙丁之十干配十藥而已歟

○補陰丸

王節齋明醫雜著

○補氣湯

此本補中益氣湯去常歸升柴加五味麥門勞倦甚加附子節齋明醫雜著暑症素無方名後人趙晟所名也

○補血湯此方四物湯加人參五味麥門茯神山梔酸棗陳皮甘草

節齊明醫雜著暑症素無方名後人趙晟所名

○補陰瀉火湯 節齊明醫雜著勞瘵圭方本無方名趙晟加方名

按此方八物湯去參苓加生地天門知母黃柏陳皮乾姜之方也薛五齊註曰此方治火盛陰虛之法也予先考嘗云火盛陰虛陰虛火動右霄壤之異薛先生曰治火盛陰虛之法者誠開後人鑿蹟也又吳球諸症辨疑錄滋陰降火湯節齊方但去乾姜回春滋陰降火湯乃節齊方而去川芎乾姜加麥門冬古今醫鑑滋陰降火湯即節齊方

○滋陰降火湯 吳球諸症辨疑錄詳于補陰瀉火湯下

按滋陰降火之名起吳球乎俟他日考

○加味虎潛丸 滋陰大補丸 丹溪集要云三方草窓劉先生所定

按纂要滋陰大補丸下云即衛生寶鑑還少丹無措實而分兩不同

○加味四物湯 本方加柴胡山梔保嬰粹要

本方加柴胡牡丹皮山梔明醫雜著補註婦人良方補註

○補中丸 即八珍湯為丸 婦人良方補註

○加味歸脾湯 本方加柴胡山梔內科摘要良方補註正統類要

本方加丹皮山梔明醫雜著補註女科撮要

○加味道遙散 本方加丹皮山梔內科摘要

女科撮要保嬰粹要外科提要等

○柴芍參苓飲 本方逍遙散加牡丹皮山梔人參陳皮

明醫雜著補註保嬰粹要保嬰金鏡錄

○加味小柴胡湯 本方加山梔丹皮 明醫雜著補註

本方加生地黃 內科摘要

○香砂六君子湯本方加香附藿香砂仁內科摘要正體類要

本方加藿香砂仁

口齒類要

○補陰八珍湯

本方加知母黃柏

保嬰粹要

按加味四物以下方皆是立齋薛新甫所加味而到今盛行耳凡日用之方出於薛先生重訂者頗多矣又龔氏回春補益門所載四君六君四物八珍大補益氣六味八味等諸方治症皆薛先生家醫錄附方主治也不讀先生之書者以為龔氏

○固真飲子

醫方撰要

按品味與醫學入門同

○龜膠

醫燈續燭勞極

治諸虛百損精少髓枯腎衰水道竭

乏血液乾枯一切陰不足之證

龜殼十片或數十片水浸五七日視上黑皮浮起即取刮淨純白如灼過以刀剝去焦跡再洗淨石臼中搗碎入磁

罇中包固再坐大鍋中隔水煮水乾旋以溫水添足不斷火一二晝夜視板酥爛汁稠濾去板滓將汁入錫鍋中或磁鍋柔火緩緩熬收不住攪動至滴水不散用銅杓免入磁器中冷即成餅每服不拘多少滾水溫酒任化下
按龜膠左歸丸用之亦甚稠目龜條下脫龜膠偶見此書故併錄茲

○神仙延壽丹

醫方撰要諸虛

醫學正傳千金延壽丹同但正傳方無赤石脂山茱萸車前子有鹿茸大茴香麥門冬餘藥同
按今世有稱仙方延壽丹恐即此方

醫方紀原卷中

終

